



**De Ivre Sistendi, Et Manvvm Iniectione, Qvam Vvlgo
Arrestationem Vocant, Svccincta Explicatio**

Peck, Pierre

Antverpiæ, 1589

Cuius loci statutum ad faciendum arrestum, specis alia atque alia ut sit
spectetur. Cap. 11.

[urn:nbn:de:hbz:466:1-63495](#)

De Jure Sistendi.

quæ trāsfit in rem iudicatam, vt notat Rodericus Zuarez, ad l. post rem iudicatam. in 5. ampliatione, & in nona limitatione. ff. de re iudic. Quia eo ipso quo lex vetat aliquem inquietari, cēsetur prohibere executionem. l. fi. §. donec. & ibi Barto. C de iur. deliber. & cum lex præsumatur esse in viridi obseruantia, nisi probetur contrarium. l. Arrianus. C. de hæreti. non audiam nostri temporis tabulas occlāmantes illam legem non obseruari, nisi mihi de contraria consuetudine, legitimè & ut decet introducta, fidē fecerint, maximè cum in naturali æquitate & honestate fundata sit.

¶ Possumus quoque & huc multa adferre, de eo quod disputant plerique, an debitor de fuga suspectus & captus, incompetentiam iudicis allegare, & remissionem ad suum iudicem postulare possit, de qua re Iason ad d. §. 1. num. 95. Bertran. consi. 182. lib. 1. & consilio 304. lib. 3. Latius idem Ias. ad l. 2. ff. de iurisd. omn. iud. & alij ex professo agunt. Sed quoniam mores nostri quocunque loco iudicem in hac re competentem faciunt, nolo in ea re per se clara, diutius inhærere. Dixi autem superius, clericum ob periculum fugæ à laico detentum, custodiæ ecclesiastici iudicis tradendum esse.

Cuius loci statutum ad faciendum arrestum spectandum sit; & quæ consuetudo, si in diuersis locis alia & alia sit, spectetur Capite Octauo.

Caput 11.

AR

ARGUMENTA.

Locus celebrati coniunctus, quando consideretur. n. 1.
 In soluendis gabellis, quæ consuetudo attendatur. n. 2.
 Forenses ligantur statutis loci, ubi conueniuntur, in
 his quæ ad ordinationem iudiciorum pertinent. n. 3.

SE D cum de tempore & loco quo vel fieri
 vel non fieri arrestatio posset disputamus:
 incidit etiam hæc quæstio, cuius loci statutum,
 aut consuetudo, spectari debeat, si in loco ce-
 lebrati contractus, iure arresti, vel prehensio-
 nis utimur, & in loco destinatae solutionis
 non utimur? Quam quidem quæstionem, non
 in specie, aut, ut nostri aiunt, in terminis, sed in
 simili & propinquuo admodum casu, decisam
 inuenio. Interpretes enim ad l. si fundus. ff.
 de euict. ad l. quæro. ff de solut. Et D. Præses
 Nicola. Euerardi consilio 78. incip. Ex literis.
 col. 7. versicu. aut quærimus. aiunt, quod si in
 loco celebrati contractus sit statutum, quod
 debitor possit capi & incarcерari, vel quod in-
 strumenta notariorum habeat executionem
 paratam: in loco vero destinatae solutionis, non
 sit simile statutum, sed seruetur ius commu-
 ne, attendetur quo ad hoc, mes, obseruantia,
 statutum, aut lex loci destinatae solutionis;
 quippe quod in his quæ concernunt iudicia-
 riā executionem, inspicitur locus destinatae
 solutionis. Bal. Angel. Alber. & alij, ad l. heres
 absens. ff. de iudic. Dominic. Philip. Francus,
 Anchor. ad cap. Romana. de foro compet. lib.
 6. & hoc latè & eleganter prosequitur Rode-
 ricus Zuarez, ad l. postrem iudicatam. capit.
 incip.

De Jure Sistendi.

incip. circa Iudicem. ff. de re iudic. Sicut & in his quæ respiciunt extinctionē actionis propter præscriptionem statutariam vigentem in vno loco, & non in alio: vel quo ad exactiōne pœnæ adiectæ quantitati, quando statuta & iura municipalia locorum sunt diuersa, l. 3. §. fin. ff. de test. l. cum clericus. C. de episc. & cler. §. fin. Institu. de satisd. Bart. & Angel. ad l. 1. ff. de usur. ad d. l. si fundus. & ad l. cunctos populos. C. de summa trinit. Nam licet quo ad alia quæ concernunt solemnitatem actus, seu ius perfectionem, inspiciatur consuetudoloci celebrati contractus. I. magis puto. §. illud. ff. de rebus eor. & Bal. ibi. & ad l. 1. quæst. 5. C. de contrahen. empt. & ideo si ex statuto loci requiratur certa solennitas in ipso contractu, vel si ad subsistentiam contractus requiratur solutio gabellæ, vel quid simile, tunc tale statutum debet obseruari, licet in loco destinatæ solutionis non sit simile statutum. Iason numero 55. in 2. lect. Barto. & alij, ad d. l. cunctos. Tamen in his quæ superueniunt, post absolutum contractum, & eo iam perfecto tendunt ad eius executionem; cuiusmodi est arrestatio, ibi locus destinatæ solutionis inspicitur, sibiique imputare potest, qui ita contraxit; quia in executione eiusmodi, non consideramus causam de præterito, sed locum & tempus vbi & quando fieri, teste Bal. ad auth. Quas actiones. C. de sacrosan. eccles. Ioann. de Platea. ad l. missi. C. de exact. libr. 10. Iason ad d. l. cunctos. in 1. lect. nu. 20. Barto, ad l. à diuo

Pio. §.

Pio. §. sententiam. ff. dere iud. Doct. ad cap. 1.
de sponsal. Castr. ad l. 2. C. quemad. testa. aper.
Et latissimè omnium quæ ad huius rei con-
firmationē adferri possent, dicto loco cumu-
lauit D. Præses; cuius argumentis, & persimi-
litudinem rei motus, existimo, quod & in ar-
restatione, si similis casus occurrat, locus desti-
natæ solutionis & iudicij spectari debeat. Et
propterea si in loco contractus initi non pro-
cedatur per arrestum, sed iure communi & or-
dinario, tamen si is qui ex eo cōtractu promi-
sit soluere, hic reperiatur in hac nostra Belgi-
ca, quæ est patria arresti, poterit hic arrestari &
ad soluēdum cōpelli: sicut & in casu cōtrario
decidit Angel. in d.l. si fundus. quod si in loco
contractus est statutū, quod quis capiatur pro
debito; & in loco iudicij est statutum, quod
non capiatur, debet inspici locus vbi debitor
conuenitur, & vbi sit executio, & vide Bal. ad
l. 2. C. quemad. testa. aper. Huc etiam pertinet,
quod si cōtractus factus sit in loco, vbi gabel-
la non debetur, traditio autem in alio loco
vbi debetur, tunc inspecto loco traditionis
debetur, vt voluit Bald. ad l. multum. col. vlt.
versi. pone ergo. & ibi quoque Salice. in fi. C. si
quis alter. vel sibi. Nam & aliàs contractum
fuisse videtur, non in eo loco, quo negociū ge-
stum est. sed quo pecunia soluenda vel traden-
da est, iuxta ea quæ superius dixi, ad hūc effe-
ctum. l. 3. ff. de bon. auctor. iudic poss. l. con-
traxisse. ff. de act. & c. Roma. de for. comp. lib.
6. Sed quid si quis cōtraxit in loco in quo illius

L loci

De Iure Sistendi.

loci homines non vtuntur arresto, neque promisit soluere in patria arresti, sed tamen illic reperitur, ytrum nihilominus arrestari possit? existimo quod sic, si vel tempus solutionis lapsum, vel in mora periculū sit, vt latè superiorius dictum fuit: quia adhuc verum est dicere, quod statutum & consuetudo loci iudicij severari debet in istiusmodi. l. 3. in fin. ff. de testib. l. cum clericis. C. de episc. & cler. & in his quæ ad ordinationem iudiciorum pertinent forefes ligantur statutis loci vbi cōueniuntur. Ias. & alij ad d. l. cunctos populos. C. de summa trinit. & fide cathol.

De renunciatione immunitatis & priuilegij, de non arrestando. Cap. 12.

ARGUMENTA.

Renūciatio immunitatis nundinarū an valeat. n. 1.

Nundina publicum fauorem continent. n. 2.

Renūciatio feriarum an subsistat. n. 3.

Argumentum bonum est à Lege ad Pactum. n. 4.

Princeps sua lege immunitati ecclesia non praeditat. n. 5.

Debitor an in ecclesia capi possit. n. 6.

ILLVD autem queri potest, an ne debitor

immunitati huic temporis aut loci, renūciare possit? Sanè ad tempus quod attinet, non dubium est quin immunitati nundinarum renunciare possit: quia licet fauorem pu-

blicum habeant nundinæ, scilicet, vt hinc inde merces in ditionem vel ciuitatem, quibus illa eget, inuehantur; principaliter tamen de priuatorum commodo agitur, & sic regulæ commu-